

Član 5.

Nakon izmirenja obaveza iz člana 1. ove Odluke, Udruženje Nogometni klub "Ilijaš" iz Ilijaša, dužno je dostaviti pismeni izvještaj sa validnom finansijskom dokumentacijom o namjenskom utrošku doznačenih sredstava u Službu za društvene djelatnosti.

Član 6.

Za realizaciju ove Odluke zadužuje se Služba za privredu, finansije i investicije i Služba za društvene djelatnosti Općine Ilijaš.

Član 7.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 07-14-2473/16
29. septembra 2016. godine
Ilijaš

Općinski načelnik
Akif Fazlić, s. r.

OPĆINA NOVO SARAJEVO

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 50. Statuta Općine Novo Sarajevo ("Službene novine Kantona Sarajevo", broj 35/10), Načelnik Općine Novo Sarajevo, dana 23.09.2016. godine, verificovao je i donio

ODLUKU

O KOREKCIJI REGULACIONOG PLANA "POFALIĆI"
(Individualni stambeni objekat, ulica Humska br. 668)

Član 1.

Usvaja se korekcija Regulacionog plana "Pofalići" (u daljem tekstu: korekcija Plana).

Član 2.

Korekcija Regulacionog plana "Pofalići" odnosi se na korektan grafički prikaz izvedenog stambenog objekta na terenu u horizontalnom i grafičkom smislu, u ulici Humska br. 668, na parcelama označenim kao dio k.č. broj 2150/1 i 2150/2 K.O. Novo Sarajevo I.

Član 3.

Korekcija Plana sastoji se iz tekstualnog dijela i grafičkih priloga (grafički prilog br. 1. Izvod iz R.P. "Pofalići", R 1:1000, sa naznačenom lokacijom korekcije, grafički prilog br. 2. Korekcija R.P. "Pofalići" - Urbanističko rješenje, R 1:1000, na kojem je prikazana korekcija Plana, grafički prilog br. 3. Ažurna geodetska podloga).

Tekstualni dio i grafički prilog korekcije Plana su sastavni dio Regulacionog plana "Pofalići" ("Službene novine Kantona Sarajevo", broj 17/11).

Član 4.

Korekcija Plana je rađena za fazu urbanizma - karta: Planirano stanje - razmještaj objekata sa namjenom i spratnošću i Ažurna geodetska podloga.

Izrada iste nije zahtijevala promjene u ostalim fazama Plana, tako da je korekcija Plana usaglašena sa Idejnim rješenjima, koja su sastavni dio Regulacionog plana "Pofalići".

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi za oblast prostornog uređenja i urbanizma Općine Novo Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja, gradjenja i zaštite okoliša Kantona Sarajevo.

Član 6.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-2302/15
23. septembra 2016. godine

Načelnik Općine
Novo Sarajevo
Nedžad Koldžo, s. r.

OBRAZLOŽENJE

Pravni osnov:

Pravni osnov za donošenje ove korekcije sadržan je u članu 46. Zakona o prostornom uređenju Kantona Sarajevo ("Službene

novine Kantona Sarajevo", broj 7/05), kojim je regulisano da se u slučajevima evidentnih nedostataka, nedorečenosti ili razlika u grafičkom i tekstualnom dijelu Plana, može izvršiti korekcija provedbenog Plana, s tim da se korekcijom provedbenog Plana ne može mijenjati osnovni koncept Plana. Korekciju provedbenog Plana, na zahtjev Općinskog načelnika, izrađuje Nosilac izrade Plana, a istu verificuje Općinski načelnik, uz prethodno pribavljenu saglasnost nadležnih ministarstava, a ako je Plan na području Općina koje ulaze u sastav Grada Sarajeva, Općinski načelnik je dužan pribaviti i pismenu saglasnost Gradonačelnika.

Statutarni osnov za izradu korekcije plana je član 50. Statuta Općine Novo Sarajevo, kojim je regulisana nadležnost Općinskog načelnika u sprovođenju.

Razlozi donošenja:

U skladu sa odredbama člana 46. Zakona o prostornom uređenju ("Službene novine Kantona Sarajevo", broj 7/05) Načelnik općine Novo Sarajevo je pokrenuo inicijativu za korekciju Regulacionog plana "Pofalići".

Inicijativa je dostavljena Zavodu za planiranje razvoja Kantona Sarajevo, kao nosiocu izrade usvojenog Regulacionog plana "Pofalići", dopisom broj 02-23-2302/15 od 05.11.2015. godine, a odnosi se na korektan grafički prikaz izvedenog stambenog objekta na terenu u horizontalnom i grafičkom smislu, u ulici Humska br. 668, na parcelama označenim kao dio k.č. broj 2150/1 i 2150/2 K.O. Novo Sarajevo I.

ZAVOD ZA PLANIRANJE RAZVOJA
KANTONA SARAJEVO

KOREKCIJA
REGULACIONOG PLANA "POFALIĆI"

(Individualni stambeni objekat, ulica Humska broj 668)

DIREKTOR
Hamdija Efendić, dipl. ing. građ.

Sarajevo, avgust/kolovoz 2016. godine

NOSILAC PRIPREME
PLANA:

NAČELNIK OPĆINE
NOVO SARAJEVO

NOSILAC IZRADE
PLANA:

ZAVOD ZA PLANIRANJE
RAZVOJA KANTONA
SARAJEVO

KOORDINATOR
SEKTORA ZA
PROVEDBENU
PLANSKU
DOKUMENTACIJU
I STRUČNA MIŠLJENJA

STANISLAVA
MARINOVIĆ, dipl. ing. arh.

ODGOVORNI
PLANER:

MIRZA RUSTEMPAŠIĆ, dipl. ing. arh.

UVOD

Regulacioni plan "Pofalići" je usvojen i objavljen u "Službenim novinama Kantona Sarajevo", br. 17/11.

U skladu sa odredbama člana 46. Zakona o prostornom uređenju ("Službene novine Kantona Sarajevo", broj 7/05), Načelnik Općine Novo Sarajevo je pokrenuo inicijativu za korekcijom navedenog Plana aktom broj 02-23-2302/15 od 05.11.2015. godine, a u cilju korektnog grafičkog prikaza izvedenog stambenog objekta na terenu u horizontalnom i grafičkom smislu.


IZVOD IZ REGULACIONOG PLANA "POFALIĆI"

Prostor Regulacionog plana "Pofalići" pripada administrativnoj teritoriji Općine Novo Sarajevo i sa sjeverne i zapadne strane graniči sa prostorom Regulacionog plana "Park-šuma

Hum", sa sjeveroistoka Regulacionim planom "Velešići", sa jugoistoka Regulacionim planom "Pofalići-Ciglane", te sa južne strane granicu Plana definiše trasa planiranog Gradskog Auto-puta, odnosno prostor današnje ulice Drinska. Ukupna površina obuhvata Plana iznosi 114,0 ha.

KOREKCIJA REGULACIONOG PLANA "POFALIĆI"

Korekcija Regulacionog plana "Pofalići" odnosi se na korektan grafički prikaz izvedenog stambenog objekta na terenu u horizontalnom i grafičkom smislu, u ulici Humska br. 668, na parcelama označenim kao dio k.č. broj 2150/1 i 2150/2 K.O. Novo Sarajevo I.



IZVOD IZ REGULACIONOG PLANA "POFALIĆI"
Službene novine Kantona Sarajevo br.17/11

M 1:1000




LOKACIJA KOREKCIJE RP "POFALIĆI"





KOREKCIJA REGULACIONOG PLANA "POFALIĆI"

M 1:1000





KOREKCIJA REGULACIONOG PLANA "POFALIĆI"

M 1:1000

AŽURNA GEODETSKA PODLOGA

